

Badan silat Asean: Penubuhan bantut

16 MAR 1979 *percah silat*
BEBERAPA masalah masih lagi menggugat pembentukan sebuah persekutuan silat Asean seperti yang telah dipersetujui oleh tiga dari lima buah negara anggota dalam pertemuan mereka awal tahun lalu di Jakarta.

Pegawai-pegawai dari Persekutuan Seni Silat Singapura (Persisi) telah berusaha menghubungi pegawai-pegawai silat dari Indonesia dan Malaysia mengenai rangka asas perlembagaan persekutuan yang diura-urakan itu.

Masih membisu

Tetapi sejauh ini, kedua negara itu masih lagi 'membisu' terhadap perkara ini dan tidak mungkin persekutuan itu dapat dibentuk dalam tahun ini seperti yang dicadangkan.

Menurut sumber-sumber, kedua negara itu sepatutnya mengusulkan rangka asas perlembagaan itu dan ia akan disusun oleh Singapura dan kemudiannya diserahkan kepada Indonesia untuk disahkan.

Tetapi ini belum lagi dilakukan oleh negara-negara itu dan sejauh ini belum ternampak tanda mengenai pembentukan persekutuan ini dapat dijalankan tahun ini.

Pembentukan sebuah persekutuan silat Asean ini telah di usulkan oleh Singapura ketika diadakan Pesta Silat Asean di Jakarta tahun lalu dan telah disetujui oleh Malaysia dan Indonesia.

Undangan

16 MAR 1979
Tujuan utama pembentukan persekutuan ini selain dari menyelaraskan kegiatan-kegiatan seni silat di rantau ini, ia juga adalah sebagai usaha untuk memperkembangkan seni silat ini sehingga ia dapat diterima dan berkembang dengan baik di rantau ini dan juga dunia.

Dan sekiranya pembentukan persekutuan ini berjaya dijalankan besar kemungkinan Thailand dan Filipina juga akan diundang untuk menganggotai persekutuan ini.